

All in for Kids

Lub Khoos Kas Birth to 3 (Tus Me Nyuam Yug Kiag txog 3 Xyoos) Tsev Neeg Tsab Ntawv Xov Xwm

All in for Kids (Tag Nrho Rau Me Nyuam): Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib phau ntawv xov xwm uas yuav pab qhia rau koj thiab koj tsev neeg paub meej txog cov kev pab cuam uas muaj muab los ntawm Lub Khoos Kas Birth to 3 (Tus Me Nyuam Yug Kiag txog 3 Xyoos). Tsab ntawv xov xwm yog sau tawm los ntawm Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv).



Lub Khoos Kas cov kev pab cuam Birth to 3 (Tus Me Nyuam Yug Kiag txog 3 Xyoos): kev kho lub cev kom ua tau hauj lwm

(Birth to 3 Program services: occupational therapy)

Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib lub khoos kas kev kawm tshwj xeeb txog kev cuam tshuam thaum ntxov. Nws yuav pab cov me nyuam yaus hnuv nyoog qis dua 3 xyoos uas muaj kev loj hlob los sis xiam oob qhab. Lub khoos kas pab kom cov me nyuam yaus kawm paub, sib tham sib cuam tshuam, thiab loj hlob tau tom tsev, hauv cov chaw zov me nyuam, thiab nyob hauv zej zog.

Cov tsev neeg tau tso npe rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos) tuaj yeem tau txais ntau yam kev pab cuam. Ib pab pawg ua hauj lwm saib xyuas uas yuav muaj tsev neeg txiav txim siab txog cov kev pab cuam, uas saib raws li cov kev xav tau ntawm tus me nyuam thiab lawv tsev neeg. Individualized Family Service Plan (Txoj Phiaj Xwm Muab Kev Pab Cuam Rau Tsev Neeg Ib Tse Zuj Zus) (IFSP) qhia txog cov kev pab cuam uas tau txheeb qhia tseg.

H

Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsab Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam mos thiab Me Nyuam yaus uas muaj kev xiam oob qhab.

IFSP YOG DAB TSI?

Individualized Family Service Plan (Txoj Phiaj Xwm Muab Kev Pab Cuam Rau Tsev Neeg Ib Tse Zuj Zus) (IFSP) yog koj tus me nyuam thiab tsev neeg txoj phiaj xwm ua hauj lwm kom muaj kev huaj vam. Muaj kev hloov kho tau, tsom rau yam uas koj xav tias yog qhov tseem ceeb, thiab yoog raws thaum koj tus me nyuam loj tuaj. Nws yog ib txoj hauv kev los ua kom paub tseeb tias koj tus me nyuam muaj kev lom zem uas tseem yog me nyuam yaus thaum uas kawm paub thiab loj hlob raws li lawv lub hnuv nyoog, uas muaj koj pab txhawb nqa lawv hauv txhua kauj ruam.

Cov qauv piv txwv ntawm cov kev pab cuam uas tej zaum tsev neeg yuav tau txais yog kev kawm tshwj xeeb, kev kho mob kom ua tau hauj lwm, kev kho mob kom hais tau lus, thev naus laus zis muab kev pab, thiab kev kho ib ce.

Hauv phau ntawv xov xwm no, peb yuav tsom rau cov kev pab cuam txog kev kho mob kom ua tau hauj lwm.

Keu kho mob kom ua tau hauj lwm yog dab tsi?

Occupational therapy (kev kho mob kom ua tau hauj lwm) (OT) pab kom cov me nyuam yaus tsim tau cov kev txawj ntse tshiab los ntawm cov kev ua si lom zem, hauv txhua hnuv. OT pab cov me nyuam yaus pib nyob tau ib leeg ntau zog qub tuaj los ntawm kev mus koom hauv cov dej num ua txhua hnuv xws li kev noj haus, kev hnav khaub ncaws, kev ua si, thiab ntau yam ntxiv. Cov kws kho mob kom ua tau hauj lwm ua hauj lwm nrog cov me nyuam yaus uas muaj cov kev raug mob, kev loj qeeb, los sis cov kev xiam oob qhab los pab kom lawv ua tau raws li lawv cov hom phiaj. Feem ntau lawv yuav pab kho cov leeg nqaij me hauv ob sab caj npab thiab ob sab tes, uas yog qhov tseem ceeb yuav ua tau ntau txoj hauj lwm.

Cov kev pab cuam OT pab tus me nyuam yaus li cas?

Cov me nyuam yaus yuav kawm tau zoo tshaj plaws los ntawm kev ua si nrog lawv cov khoom ua si uas lawv nyiam thiab ua cov dej num nrog cov neeg uas lawv paub. Cov kev pab cuam OT hauv Lub Khoos Kas Birth to 3 (Tus Me Nyuam Yug Kiag txog 3 Xyoo) yuav pab koj tus me nyuam mus koom nrog cov dej num uas muaj txiaj ntsig zoo xws li cov hauj lwm ua hauv txhua hnuv, kawm paub, ua si, pw tsaug zog, thiab mus ua si nrog lwm tus. OT kuj tuaj yeem pab lawv nrog kev tswj hwm fab zej tsoom thiab kev xav xws li kev ua kom lawv lub cev nyob tus los sis thev taus txog tej yam ua rau hnov tau zoo los ntawm tej hlab hlwb xws li kev txhuam hniav. Thaum uas xyaum ua cov dej num no txhua hnuv, koj tus me nyuam yuav loj hlob thiab kawm paub txog txoj hauv kev yuav koom nrog hauv koj tsev neeg cov hauj lwm niaj hnuv ua thiab cov dej num hauv zej zog. Cov dej num no muaj kev lom zem thiab muaj hom phiaj zoo, pab kom koj tus me nyuam tsim tau cov kev txawj ntse tshiab hauv txoj hauv kev uas hnov tias yog kev ua si xwb.

Cov qauv piv txwv ntawm qhov uas OT tuaj yeem yuav pab tau li cas

- **Keu saib thiab kev ua yam ub no:** Pab koj tus me nyuam kom pom thiab ua si nrog tej yam uas lawv nyiam ua.
- **Cov dej num ua txhua hnuv:** Ua rau cov hauj lwm uas niaj hnuv ua li cov kev hloov pawm, sij hawm da dej, sij hawm noj mov, thiab sij hawm mus pw yooj yim dua qub tuaj.
- **Cov kev txawj ntse txog kev hnov xeev tau zoo:** Pab koj tus me nyuam nkag siab thiab siv kev qhia paub los ntawm lawv cov kev hnov xeev xws li kev saib pom, kev hnov ntxhiab, kev hnov lus, kev qab ncauj, thiab kev tuav los sis chwv.
- **Keu txav mus los ib ncig:** Ua rau cov leeg nqaij uas yuav tsum tau siv los zaum kom ntseg, ncau, thiab ua si tau yooj yim ntawd kom muaj zog tuaj, xws li kev mus muab los sis tso qhov khoom ua si mus.
- **Keu sib cuam tshuam sib tham fab sim neej:** Sib txuam cov dej num ntawm lub cev nrog cov kev txawj ntse fab sim neej, xws li hais kom koj

Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsaib Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam mos thiab Me Nyuam yaus uas muaj kev xiam oob qhab.

tus me nyuam cev ib daim lus txhiaj txhais rau koj los sis muab nws tso rau hauv lub thawv ntim.

- **Kev sib koom tes:** Siv cov dej num uas koj tus me nyuam nyiam los tsim cov kev txawj ntse tshiab, xws li kev taw rau cov duab hauv koj tus me nyuam cov phau ntawv uas nyiam los sis kev siv lawv qhov khoom ua si uas lawv nyiam los txhawb kom lawv kov dej.

Cov qauv piv txwv ntawm cov kev txawj ntse uas tau tsim los ntawm OT

- Kev muab qhov khaub noom cracker rau lawv tus kheej noj
- Nqa lub khob nrog ob txhais tes
- Xyab ob txhais caj npab thiab ob sab ceg tawm thaum hnav khaub ncaws
- Cev cov khoom ua si ntawm ib sab tes mus rau lwm sab
- Ua si peek-a-boo thiab nrhiav cov khoom uas muab zais lawm

Kuv yuav tsum ua li cas yog tias kuv xav tias OT yuav pab tau kuv tus me nyuam?

Txhawm rau kawm paub ntau ntiv txog cov kev pab cuam kev kho mob kom ua tau hauv lwm, thov tiv tauj koj tus kws muab kev pab cuam ib txwm. Lawv yuav pab koj tus me nyuam kom loj hlob thiab muaj kev vam meej! ❖

Thaum tus me nyuam loj zus, qhov muag pom kev zus

Muaj ntau cov kev hloov ntawm tus me nyuam mos ob lub qhov muag pom kev hauv thawj xyoo ntawm lub neej. Cov me nyuam mos tsis pom kev tseeb thaum yug kiag. Koj tus me nyuam tus kws kho mob yuav tsum ntsuam xyuas lawv qhov muag pom kev thaum yug kiag, thaum lawv muaj ib xyoos, thiab ib zaug ntiv ua ntej lawv muaj 3 xyoos. Yuav tsum ntsuam xyuas qhov muag thaum ntsuam xyuas kev noj qab haus huv.

Tej zaum koj tus me nyuam yuav muaj cov teeb meem qhov muag pom kev yog tias lawv cov qhov muag:

- Tsis tig raws yam khoom txav, xws li qhov khoom ua si los sis koj tus ntiv tes, thaum muab yoj rau ntawm lawv lub ntsej muag (rau cov me nyuam loj dua 3 hlis)
- Tig rov los ua ke los sis rov tawm rau ob sab (rau cov me nyuam lj dua 4 hlis)
- Ntsais muag ceev dua los sis ntau tshaj li ib txwm ntsais
- Zoo li tiv tsis taus teeb ci
- Muaj cov xwm txheej xws li:
 - Qhov muag liab uas tsis ploj tom qab ob peb hnuv
 - Kev o
 - Dawb los sis doog hauv lub ntsiab muag (ntawm lub plawv ntsiab muag dub)
 - Los kua

PRIMARY SERVICE PROVIDER (TUS KWS MUAB KEV PAB CUAM IB TXWM) (PSP)

Primary service provider (tus kws muab kev pab cuam ib txwm) (PSP) yog ib tug tswv cuab hauv pab pawg ua hauv lwm uas yog tus neeg tiv tauj ib txwm rau tsev neeg hauv Lub Khoos Kas Birth to 3 (Tus Me Nyuam Yug Kiag txog 3 Xyoos). Tus PSP pab txhawb nqa tsev neeg hauv kev hais daws lawv tus me nyuam txoj kev loj hlob thiab ua tau raws li cov hom phiaj ntawm lawv qhov IFSP.

Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsab Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam mos thiab Me Nyuam yaus uas muaj kev xiam oob qhab.

Yog tias koj muaj cov kev txhawj xeeb txog koj tus me nyuam qhov muag pom kev, koj yuav:

- Qhia tau rau koj tus me nyuam tus kws kho mob txog yam koj ras pom ntawm koj tus me nyuam ob lub qhov muag los sis qhov muag pom kev thiab seb vim li cas koj thiaj li txhawj. Tej zaum lawv yuav pom zoo kom teem ib lub sij hawm ntsib tus kws kho qhov muag.
- Nug tus thawj tswj xyuas kev pab hauv Lub Khoos Kas Birth to 3 (Tus Me Nyuam Yug Kiang txog 3 Xyoos) kom ntsuam xyuas koj tus me nyuam qhov muag pom kev. Txoj kev ntsuam xyuas yuav qhia tau yog tias muaj tej yam tshwm sim uas tus kws kho qhov muag yuav tau nrog muab xyuas. ❖

Nkag siab txog ICC thiab nws pab txhawb nqa cov tsev neeg li cas

ICC yog dab tsi?

Interagency Coordinating Council (Pab Pawg Muab Kev Sab Laj Muab Kev Sib Koom Tes Ntawm Ntau Lub Chaw Hauj Lwm) (ICC) pab ua kom Lub Khoos Kas Birth to 3 (Tus Me Nyuam Yug Kiang txog 3 Xyoos) zoo dua qub rau cov me nyuam yaus uas muaj kev loj hlob qeeb thiab muaj kev xiam oob qhab thiab lawv cov tsev neeg. Tsis tas li ntawd lawm los tseem muab lus tawm tswv yim pab rau Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv) (DHS) txog cov hau kev yuav txhim kho lub khoos kas thiab.

Leej twg nyob hauv ICC?

ICC muaj cov tswv cuab 15 txog 25 leeg, suav nrog:

- Lub Khoos Kas Birth to 3 (Tus Me Nyuam Yug Kiang txog 3 Xyoos) cov kws muab kev pab cuam
- Niam thiab txiv
- Cov pab pawg pab tawm tswv yim
- Lub chaw ua hauj lwm ntawm lub xeev cov neeg ua hauj lwm
- Tus tswv cuab hauv Head Start thiab Early Head Start
- Lub xeev tus kws tsim cai lij choj

ICC ua dab tsi?

ICC:

- Muab lus tawm tswv yim pab txog txoj hau kev yuav dhia hauj lwm rau Lub Khoos Kas Birth to 3 (Tus Me Nyuam Yug Kiang txog 3 Xyoos)
- Kuaj xyuas seb lub khoos kas ua hauj lwm zoo npaum li cas lawm
- Xyuas kom paub tseeb hais tias cov neeg tuaj yeem tham txog kev cuam tshuam pab thaum tseem yog me nyuam yaus
- Tawm tswv yim qhia txog cov kev txhim kho kom zoo dua qub rau lub khoos kas

Txoj hau kev yuav kawm paub ntau ntxiv

Yog xav paub ntau ntxiv, cov lus nug, los sis cov lus xam pom, mus saib rau hauv ICC phab vev xaib ntawm dhs.wi.gov/b3icc. ❖

RAU KOJ DAIM NTAWV QHIA HNUB HLI

Cov ntaub ntawv qhia paub tseem ceeb rau cov tsev neeg

Cov rooj sib tham uas yuav los txog tom ntej no:

- Lub Cuaj Hlis Ntuj Tim 11, 2024 (sib tham nyob kev deb uas siv lub Zoom)
- Lub Kaum Ib Hlis Ntuj Tim 20, 2024 (sib tham nyob kev deb uas siv lub Zoom los sis tim ntsej tim muag)

Cov lus tawm tswv yim los ntawm pej xeeb:

- Koj tau txais kev caw kom tuaj koom hauv txhua lub rooj sib tham txawm tias koj tsis yog tus tswv cuab ntawm ICC los xij. Muaj lub sij hawm rau cov lus tawm tswv yim los ntawm pej xeeb rau thaum pib ntawm txhua lub rooj sib tham.
- ICC pab ua kom paub tseeb tias Lub Khoos Kas Birth to 3 (Tus Me Nyuam Yug Kiang txog 3 Xyoos) pab txhawb nqa cov me nyuam yaus thiab cov tsev neeg. Koj li tswv yim pab yuav pab txhim kho lub khoos kas.

Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsab Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam nos thiab Me Nyuam yaus uas muaj kev xiam oob qhab.

Tsev neeg qhov zoo: Ava txoj kev taug nrog Cheeb Tsam Nroog St. Croix Lub Khoos Kas Birth to 3 (Tus Me Nyuam Yug Kiag txog 3 Xyoos)

Peb zoo siab yuav qhia txog zaj keeb kwm ntawm Ava, ib tug me nyuam ntxhais me aiv uas muaj peev xwm heev uas kawm tau zoo heev los ntawm Cheeb Tsam Nroog St. Croix Lub Khoos Kas Birth to 3 (Tus Me Nyuam Yug Kiag txog 3 Xyoos).

Ava zaj keeb kwm

Ava tau pib nws txoj hauj lwm kev kho mob ib ce kom rov zoo li qub li ntawm 10 lub hlis nrog Maria, tus kws kho ib ce nrog Lub Khoos Kas Birth to 3 (Tus Me Nyuam Yug Kiag txog 3 Xyoos). Thaum pom tau tias Ava muaj tsos tej leeg nqaij tsis muaj zog, yeej pom tau tseeb tias nws yuav xav tau kev pab thiab ua tas li ntxiv kom ua tau raws li nws lub hom phiaj kev loj hlob.

Maria tau ua hauj lwm los tsim Ava cov ncuu sij hawm kev kho mob uas xav txog nws tsev neeg lub sij hawm uas tsis khoom kiag ntawd, xyuas kom paub tseeb tias Ava tau txais kev txhawb nqa uas nws xav tau. Hauv txhua ncuu sij hawm kho mob, Ava tau muaj kev txhim kho zoo yam pom tau tseeb. Maria tau taw qhia Ava niam thiab txiv txog cov kev ncab ib ce thiab cov kev tawm dag zog tshwj xeeb uas yuav pab kom nws hloov pauv ntawm kev nkag mus rau kev mus taug kev.


Tom qab ua hauj lwm hnyav thiab kev muab siab rau tau ib xyoos, Ava tau ua tau raws li nws cov hom phiaj tag nrho yam tiav hlo lawm.

Tsab lus tuaj ntawm Ava tsev neeg

“Ava ua tau raws li nws cov xwm txheej tseem ceeb thiab cov hom phiaj tag nrho lawm thiab peb tshuav nqi ntawm Maria ntau heev li. Peb tsev neeg thov ua tsaug rau Lub Khoos Kas Birth to 3 (Tus Me Nyuam Yug Kiag txog 3 Xyoos) thiab kev ua hauj lwm hnyav thiab lus taw qhia txhua yam uas peb pab pawg tau ua pab mus rau hauv kev huaj vam ntawm peb tus ntxhais.” ❖



Rau Duab: Ava nrog nws tus kws kho ib ce, Maria.



Lub Khoos Kas Birth to 3 (Tus Me Nyuam Yug Kiag txog 3 Xyoos) Xav Tau Koj Lub Tsev Neeg Cov Dab Neeg thiab Duab!

All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyeem kom muaj kev lom zem nrog!

Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas Birth to 3 (Tus Me Nyuam Yug Kiag txog 3 Xyoos).
- Ib qho piv txawv txog txoj hauv kev uas Lub Khoos Kas Birth to 3 (Tus Me Nyuam Yug Kiag txog 3 Xyoos) tau pab koj tsev neeg los sis tus me nyuam.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau dhsbirthto3@dhs.wisconsin.gov nrog "All in for Kids (Tag Nrho Rau Me Nyuam)" rau ntawm kab teev lus qhia. Koj puav leej xa tau cov tswv yim dab neeg uas koj xav pom sau rau hauv daim ntawv xov xwm. Peb npaj siab xav hnov ntawm koj! ❖

Kev lees txais cov kev hloov pauv hauv lub caij nplooj zeeg: cov lus qhia tswv yim rau cov tsev neeg

Thaum lub caij ntuj sov xaus, tej zaum cov tsev neeg yuav xav txog txoj kev xav txawv. Qee leej nyiam tej huab cua txias zog thiab cov kev ua si hauv lub caij nplooj zeeg, tab sis lwm tus ho yuav pom tau tias nyuaj kawg yuav rhais ntawm lub caij ntuj sov mus rau lub caij nplooj zeeg. Txawm tias koj yuav xav li cas los xij, lub caij nplooj zeeg yog lub sij hawm kev hloov pauv rau txhua leej.


Lom zem nrog cov kev ua si hauv lub caij nplooj zeeg nrog Lub Khoos Kas Birth to 3 (Tus Me Nyuam Yug Kiag txog 3 Xyoos)

Lub Khoos Kas Birth to 3 (Tus Me Nyuam Yug Kiag txog 3 Xyoos) nyob ntawm no los pab koj tsev neeg hauv lub sij hawm no. Peb muab cov kev pab cuam rau ntawm chaw uas cov me nyuam yaus ua si, xws li cov chaw ncig ua si thiab tiaj taub dag. Peb yuav pab txhawb nqa koj hauv lub sij hawm ua dej num hauv txhua hnub, ua rau cov kev pab cuam hnov zoo li nws tshwm sim li ib txwmm thiab muaj kev lom zem.

Pab cov me nyuam yaus nkag siab txog cov kev hloov pauv

Cov me nyuam uas tseem yau yuav tsis nkag siab lub sij hawm zoo ib yam li cov neeg laus paub, yog li ntawd cov kev hloov pauv caij nyoog tuaj yeem ua rau muaj kev tsis paub meej. Ntawm no yog qee cov lus qhia tswv yim los pab koj tus me nyuam:

- **Hais qhia txog cov kev hloov pauv:** Qhia rau koj tus me nyuam kom pom txog cov sib txawv txog qhov kub txias, cov xim, thiab duab tshav ntuj. Tsim ib qho kev ua si kom saib tias peb hnav khaub ncaws li cas rau lub caij huab cua txias.



- **Sib tham txog hav zoov hav tsuag:** Sib tham txog cov nplooj ntoos uas muaj kev hloov pauv, cov hnub poob qho ntxov zog, thiab cov tsiaj npaj rau lub caij ntuj no li cas. Siv cov phau ntawv thiab cov nkauj los ua kom muaj kev lom zem.

Cov kev ua si hauv lub caij nplooj zeeg uas lom zem

Sim ua cov kev ua si no los muaj kev zoo siab nrog lub caij nyoog:

- **Lub pob tawb tshawb nrhiav txog lub caij nplooj zeeg:** Sau cov taub dag thiab cov nplooj ntoos uas muaj xim sib txawv hauv lub tawb los sis lub thawv thiab cia koj tus me nyuam tshawb nrhiav saib. Tham txog lawv cov xim, cov qauv, thiab qhov loj me.
- **Mus ncig saib lub tiaj taub dag:** Muaj ntau lub tiaj taub dag yeej nkag tau dawb thiab muaj cov dej num xws li cov tsheb ua liaj teb mus thauj quav nyab (hayrides).
- **Mus noj mov tawm rooj:** Xaiv ib hnub hauv lub caij nplooj zeeg uas sov so mus noj mov tom hav zoov uas muaj koj cov khoom noj txom ncauj thiab cov khoom ua si uas koj nyiam.

Pab koj tsev neeg hloov pauv mus rau lub caij nplooj zeeg

Ntawm no yog qee cov lus qhia tswv yim yuav pab koj tsev neeg kom swm nrog lub caij nyoog tshiab:

- **Maj mam hloov pauv sij hawm mus pw:** Txav koj tus me nyuam lub sij hawm mus pw kom ntxov zog li 15 feeb hauv txhua hmo los kho kom haum rau lub sij hawm tshiab.
- **Tsim cov chaw uas xis nyob heev:** Siv cov pam sov so thiab cov khoom ua kom xis nyob los ua kom koj tus me nyuam lub chaw pw xis nyob.
- **Cov dej num sab nraum zoov:** Siv sij hawm nyob nraum zoov los pab koj tus me nyuam kom muaj kev lom zem nrog lub caij nyoog. Coj mus taug kev, mus ncig hauv lub vaj ncig ua si, los sis saib tawm ntawm lub qhov rais ua ke.
- **Cov pluas mov sov so:** Lom zem nrog pluas mov uas xis nyob xws li cov kua zaub uas tuaj yeem ua rau koj tus me nyuam kaj siab.
- **Cov khoom xuas tes ua hauv lub caij nplooj ntoos zeeg:** Ua cov khoom xuas tes ua yooj yim los ua kev zoo siab rau lub caij nplooj zeeg thiab tsim cov kev cai ib txwm koj yam tshiab.
- **Lub sij hawm rau tsev neeg:** Tham txog cov cim xeeb kev nco txog hauv lub caij ntuj sov, teeb cov duab, thiab sib tham txog yam uas koj tos ntsoov hauv lub caij nplooj zeeg.
- **Cov dej num hauv tsev:** Ua kom kev ua si sab nraum zoov muaj qhov xwm yeem nrog cov dej num sab hauv tsev uas ua rau siab txias xws li kev ua si khwb rwg, nyeem ntawv ua ke, tsim lub tsev zov yas rau sab hauv tsev uas siv cov pam vov thiab tej rooj tog uas koj twb muaj lawm.

Nrog koj tus kws muab kev pab cuam sib tham

Lub Khoos Kas Birth to 3 (Tus Me Nyuam Yug Kiag txog 3 Xyoos) tuaj yeem pab nrog koj cov phiaj xwm hauv lub caij nplooj zeeg. Sib tham txog cov dej num uas koj xav ua thiab teeb cov hom phiaj los ua kom paub tseeb tias koj tus me nyuam muaj kev lom zem hauv lub caij nplooj zeeg thaum kawm paub thiab loj hlob.



Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsab Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam mos thiab Me Nyuam yaus uas muaj kev xiam oob qhab.

Ua kev zoo siab rau txhua lub sij hawm

Kev hloov pauv tuaj yeem yog ib qhov nyuaj, tab sis lawv kuj yuav muab tau tej yam kev paub tshiab. Ua kev zoo siab rau tej yam muaj yeej me thiab lom zem nrog kev tsim cov cim xeeb tshiab hauv lub caij nplooj zeeg no. Lub Khoos Kas Birth to 3 (Tus Me Nyuam Yug Kiang txog 3 Xyoos) nyob ntawm no los pab txhawb nqa koj. ❖

Lub tshuab ntsuas qhov kub txias uas hnov tau ntawm tus me nyuam mos

Lub Tshuab Ntsuas Qhov Kub Txias Uas Hnov Tau Ntawm Tus Me Nyuam Mos yog ib txoj hau kev pab tau zoo rau cov tsev neeg los pab rau cov me nyuam yaus uas tseem yau pib nkag siab thiab qhia txog lawv cov kev xav. Koj tuaj yeem hais kom koj tus me nyuam qhia koj seb txoj kev xav twg uas lawv tab tom xav txog los ntawm lub tshuab ntsuas qhov kub txias.

Lub tshuab ntsuas qhov kub txias muaj tsib cheeb tsam. Nws pib nrog xim ntsuab – cheeb tsam txias – mloog cov kev xav thiab cov cwj pwm uas cuam tshuam nrog cheeb tsam ntawd. Lub twj ntsuas yuav nce mus rau qhov xim liab – cheeb tsam uas npau taws heev – uas muaj cov lus tawm tswv yim qhia los pab koj tus me nyuam rau lub sij hawm ntawd. Cov kev kawm tshawb fawb qhia pom tias kev txheeb qhia txog qhov dej num yog ib kauj ruam tseem ceeb rau kev tswj hwm tus kheej. Muab cov kev xaiv rau koj tus me nyuam xws li cov chaw dhia ncab ib ce, kev ua pa ntawm lub plab, kev seev cev mus los, los sis kev kos duab tuaj yeem ua rau muaj qhov pom txawv hauv lub cev ua ke nrog rau kev pab los hloov cov kev xav (as loos).

LUB TSHUAB NTSUAS QHOV KUB TXIAS UAS HNOV TAU NTAWM TUS ME NYUAM MOS
(EARLY CHILDHOOD FEELINGS THERMOMETER)

▶▶▶ Thov kom tus me nyuam qhia txog qhov kev xav los ntawm lub ntsej muag thiab/los sis lo lus hauv qab no.

TUS ME NYUAM TXOJ KEV XAV THIAB TUS CWJ PWM	KOJ YUAV PAB TUS ME NYUAM NO TAU LI CAS?
<p>VWM, NPAU TAWS, NPAU TAWS HEEV ▶ Uaj qw, quaj, ntaus, tom, thawb</p>	<ul style="list-style-type: none"> Nqa lub pab ua thej caws Mloog nkauj txias-txias Kev tawm dag zog; thawb phab ntau, kev dhab cog dhia tsa tes Nyem tus ab raj hneab los sis lub hauv nooo
<p>CHIM SIAB, NTXHOV SIAB, TAWM TSAM ▶ Kaw lub tshuab, tsis kam, sib cov, yws</p>	<ul style="list-style-type: none"> Ua pa: kev ua pa ntawm plab, kev ua pa plaub fab Nyem lub pab los sis ua si ntawm qhov zooj-zooj Kev tawm dag zog; kev nrhab cog dhia tsa tes, thawb phab ntau Kos, pleev xim los sis suav tawm suab
<p>NTSHAI, TXHAWJ XEEB, TSIS RUAJ KHOV, CHIM ▶ Tsis zoo nkauj, zam, quaj, txhawj xeeb, ntshov siab</p>	<ul style="list-style-type: none"> Ua pa: ua pa kom tob ntawm lub qhov ntswg thiab tom qab ntawd Kos duab ua si Mloog nkauj Maj mam tshuab tawm los piv Seev cev, ua txuj yoj mus los Txwv li tshuab tus tswm ciab Npog ib tug ab raj mob tsiaj los sis daim pam Muab ib txoj hauv lwm rau tus pab kws qhia ntawv
<p>NTSHAUS SIAB, DHUAV ▶ Thim rov qab, quaj, muaj kev nyiam tsawg, tsis muaj zog</p>	<ul style="list-style-type: none"> Muab ib txoj hauv lwm rau tus pab kws qhia ntawv Saib ib phou ntawv xim Kos los sis pleev xim Taug kev noig hauv chav Tsim los ntawm cov npov Ua si nrog ib tus me nyuam los sis tus neeg zov me nyuam
<p>ZOO SIAB, SIAB TUS, TXAUS SIAB ▶ Koom nrog, nyob ntsiaj to, luag ntshi</p>	<ul style="list-style-type: none"> Hu nkauj los sis mloog nkauj Ua si nrog cov kroom ua si Kos los sis pleev xim Pab tus phooj ywg Hlo Sim ua tej yam tshiab-tshiab

Wisconsin Office of Children's Mental Health
children.wi.gov

Mus saib hauv children.wi.gov/Pages/EarlyChildhoodFeelingsThermometer.aspx kom rub tawm los thiab luam daim duab qhia thiab tau txais cov lus qhia tswv yim thiab cov cuab yeej ntxiv yuav koj los siv. ❖

KOOM NROG PEB COV EMAIL TEEV TSEG

Rau kev xa kom txog sai dua qub, sau npe nkag txhawm rau kom tau txais cov ntawv hauv tshuab hluav taws xob ntawm tsab ntawv xov xwm no thiab lwm yam email txog Lub Khoos Kas Birth to 3 (Tus Me Nyuam Yug Kiang txog 3 Xyoos). Mus rau ntawm dhs.wi.gov/aboutdhs/alerts.htm thiab swb qis thiab nias rau qhov Lub Khoos Kas Birth to 3 (Tus Me Nyuam Yug Kiang txog 3 Xyoos) Cov Ntaub Ntawv rau Tsev Neeg.

Tsis txhob hnov qab qhia rau koj tsev neeg thiab cov phooj ywg hauv Lub Khoos Kas Birth to 3 (Tus Me Nyuam Yug Kiang txog 3 Xyoos) kom sau npe nkag nrog thiab!

Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsab Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam mos thiab Me Nyuam yaus uas muaj kev xiam oob qhab.

Kawm Paub Ntau Ntxiv Txog Lub Khoos Kas Birth to 3 (Tus Me Nyuam Yug Kiag txog 3 Xyoos)

Phau ntawv qhia txog 1,000 Hnub ua ntej muab cov ntsiab lus qhia ntxaws txog lub khoos kas: dhs.wi.gov/library/collection/p-02928.

Cov Kev Pab Cuam Rau Lub Khoos Kas Birth to 3 (Tus Me Nyuam Yug Kiag txog 3 Xyoos) ntawm phau ntawv qhia Lub Ntsiab Luv-Luv piav qhia txog kev txhawb nqa thiab kev pab cuam uas muaj: dhs.wi.gov/library/collection/p-03011.

Early Intervention Services for Infants and Toddlers With Delays and Disabilities (Cov Kev Pab Cuam Kev Cuam Tshuam Thaum Ntxov rau Cov Me Nyuam Yaus thiab Cov Me Nyuam Nrog Kev Loj Hlob Qeeb thiab Kev Xiam Oob Qhab) hauv Wisconsin phau ntawv pab koj nkag siab tias kev cuam tshuam thaum ntxov li cas pab kom koj tsev neeg thiab tus me nyuam tau kawm paub thiab loj hlob ua ke: dhs.wi.gov/library/collection/p-03022.

Tsab xov xwm All in for Kids (Tag Nrho Rau Me Nyuam) dhau los: Lub Khoos Kas Birth to 3 (Tus Me Nyuam Yug Kiag txog 3 Xyoos) muaj nyob hauv oos lais: dhs.wi.gov/library/collection/akidsb-3-2024. ❖



Cov ntaub ntawv muaj nyob rau hauv tsab ntawv xov xwm no yog luam tawm raws li U.S. Department of Education, Individuals with Disabilities Education Act (Tsab Cai Hais Txog Kev Kawm, Kev Kawm Txog Cov Tib Neeg Muaj Kev xiam Oob Qhab Hauv Teb Chaws Meskas, IDEA), thiab Ntu C Txoj Cai Kev Pab Cuam Kev Cuam Tshuam Thaum Yau rau Cov Me Nyuam mos thiab Me Nyuam yaus uas muaj kev xiam oob qhab.



All in for Kids (Tag Nrho Rau Me Nyuam): Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib tsab ntawv xov xwm sau tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) cov me nyuam thiab cov tsev neeg nyob rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos).

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib txoj kev pab cuam tshuam ntxov rau cov me nyuam tsis nto hnub nyoog 3 xyoos uas muaj cov kev cob pob thiab cov kev xiam oob qhab thiab lawv cov tsev neeg. Txoj kev pab sib koom tes nrog cov tsev neeg txhawm rau los pab tus me nyuam txoj kev loj hlob thiab txhawb rau lub tsev neeg cov kev peev xwm, kev txawj ntse thiab kev rab peev xwm thaum lawv ua ub no nrog thiab tu tus me nyuam. Xav paub ntxiv, mus xyuas dhs.wi.gov/children/index.htm.

Para leer este boletín en español, visite dhs.wi.gov/library/collection/akidsb-3-2024.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/akidsb-3-2024.

For other languages (繁體中文, 简体中文, Deutsch, العربية, русский, 한국어, Tiếng Việt, Deitsch, ආසාලා, Français, Polski, हिंदी, Shqip, Tagalog, Soomaali): 608-266-8560.